

清國廣敏本原著
日本增田貢頭書

頭十八史略後編書

明治九年四月

光風社

十八史畧後編序



史莫盛於支那。體有紀傳
有編年。有書志。治亂盛衰
之跡。忠奸淑慝之狀。與夫
禮樂刑政食貨之沿革。洪
纖畢舉。歷然可觀矣。然其



書浩澣讀之不易。於是乎
略史出焉。如曾氏十八史
略是也。曾氏之書夙行於
我。而其書未無得失之可
議。然其提綱挈要簡且該。
世以僂之。唯其所記止趙

宋不及元明。是爲憾耳。頃
者余獲鑑撮者讀之。其書
係清人曠大史所撰。而體
裁大率倣曾氏。記至明亡
清興之日。余與增田貢謀
割元明二代。別爲一編。以

續曾氏史畧。於是乎古今
大局始全。亦將無所致憾
也。雖然。後進之士。苟藉此
以自便。不復求其淵源。而
溯之。安能得審古今得失
論天下大計乎哉。

明治九年四月

省軒龜谷行撰



青木東園書



日本增田頭
貢校訂頭書

十八史略後編卷之一

明治九年圖書局交付

清 曠敏本 著

元自世祖庚辰宋亡始一統終順帝丁未十主
共八十八年○自太祖丙寅起至世祖己卯
先帝七十四年共
一百六十二年


太祖

姓奇渥温名鐵木真蒙古先號部人即位于幹

難河建元法天啓運聖武在位二十二年壽六

十歲○太祖用兵如神滅國四十平西夏定疆

滅國四十



域臣如木華黎博爾木博爾忽赤老温太祖號

四傑

為撥里班曲律猶中國言四傑也○耶律楚材者初仕

耶律楚材

金降于元文事武備罕與倫比太祖傾心任之

楚材嘗言興一利不若除一害生一事不若減

見角端

一事太祖滅默德那國見一獸獨角能為人言

曰汝主宜早還楚材曰此獸名角端是惡殺之

象乃上天所遣者太祖即日班師楚材之卒也

家藏惟琴劍書史○先是蒙古嘗貢歲幣于金

與金絕

金主使衛王允濟受其貢太祖見允濟不為禮

允濟怒會金主歿允濟嗣位有詔至元太祖南

面唾曰我謂中原皇帝是天上人此等庸奴亦

為之耶自是與金絕及病革謂左右曰金精兵

在潼關難以驟破若假道于宋宋金世仇必許

我我乃下兵唐鄧直擣大梁金急必徵兵潼關

然千里赴援人馬疲弊破之必矣言訖而瞑後

太宗平用其策以破金

太宗

名窩閣台、太祖子、在位十三年。○太宗遵太祖遺命、恃太弟拖雷、約宋滅金、有天下三分之二、信任楚材、崇儒興學、賦簡刑清、號稱太平、惜晚年不振、遂致奸人弄柄、皇后竊權。

定宗

名貴由、太宗子、在位六年。○時太宗后九馬真氏當朝、四年尚未立帝、定宗任事、不三年、政皆

決于后海、迷失法度不一、中外離心、華人射利、耽撫受制、女婦變大禍、極往古未有。

憲宗

名蒙哥、太祖之孫、拖雷之子也、在位九年。○憲宗委任太弟忽必烈、遽遺鼎湖之泣、悲夫。

世祖

名忽必烈、憲宗之弟、即位十九年、始滅宋一統、建元中統、至元、又十五年、共在位三十四年、壽八十

弘吉刺氏歲○宋幼主入朝，皇后弘吉刺氏不樂，帝問之，后

曰：古千歲無不亡之國，毋使吾母子及見此，則幸

矣。○魏天祐執宋臣謝枋得至燕，枋得將行，其友

餞詩云：此去好憑三寸舌，再來不值一文錢。枋得

至京，五日而卒。初枋得與程雪樓書略云：大元制

世，民物一新，宋室孤臣，只欠一死，某所以不死者，

以九十三歲老母在堂耳。先妣今年棄世，苦塊餘

息，心死形存，忠臣論事，必識大體，君子取人，先觀

大節，執事不可稱非其人，而孤大元求才之意也。

又與魏容齋書略云：上有堯舜，下有巢由，上有湯

武，下有隨光夷齊，惟願速死，與周夷齊漢龔勝同

垂青史，可以愧天下後世為臣不忠者。魏叔子云：書辭失體。

元為周武，誰為商紂耶？予觀其全書，辭氣亦弱，即同無青史數語，殊涉矜張，疊山之人與文較文，山

稍遜矣。○帝素聞趙孟適葉李名，至是遣程文海學士

訪求人才，密諭必致此二人，文海復薦趙孟頫，宋

及吳澄揭傒斯楊載虞集等，帝皆擢用，時徵熊

趙孟適

燕禾不仕

禾獨不赴，禾力學授徒，學者稱勿軒先生。○帝嘗

問雷夢炎、葉李優劣于孟頫，孟頫優雷而黜李，帝

曰：夢炎為狀元，官至宰相，當賈似道誤國，依阿取

容，李以布衣伏闕上書，是賢于夢炎也。孟頫之○

帝徵劉因，為贊善大夫，因辭歸，因天資絕人，初為

經學，究訓詁，註釋之說，歎曰：聖人精義，殆不止此，

及得周邵程朱之書，一見即曰：我固謂當有是也。

又曰：邵至大也，周至精也，程至正也，朱子極其大

劉因不仕

盡其精而貫之，以正也。愛諸葛亮靜以修身之語。

扁所居曰靜修。丁氏曰：許衡吳澄仕元，君子少之，獨劉因不仕，衡澄皆從祀孔庭，而

因則不，或以因于經籍無所變註，德為本而文為末之謂何也。况劉亦有易繫辭說等書耶。○

太子真金嘗問王恂以守心之道，恂曰：嘗聞許衡

言人心猶印板，板本不差，雖摹千萬紙皆不差，太

子仁孝恭儉，中外歸心。王恂侍御進承華事略，太

子覽之，至邢峙止，齊太子食邪蒿，顧侍臣曰：一菜

之名，遽能邪人耶。張九思詹事曰：正臣防微，理固當

太子直金

卒
安童伯顏
許衡

學者以治
生為先務

然太子善其說，既而阿合馬之黨謀危太子，太子憂懼而卒。○帝御極以來，安童為相，伯顏典兵，許衡姚樞廉希憲王磐寶默等後先登用。○許衡嘗語其子曰：我死後，勿請諡，勿立碑，但書許某之墓四字，使子孫識其處足矣。及卒，從其治命。衡之言亦自知非也。衡又言：為學者，治生最為先務，苟生理不足，則于為學之道有所妨，彼旁求妄進，作官嗜利者，殆亦害于生理之所致也。衡嘗謂士君子當以農務為生，商賈雖為

逐末亦有可為，果處之不失義，理或以姑濟一時，亦無不可。○帝定授時曆，製

渾天儀。郭守敬製。通海運。以海盜朱清張瑄為之。開通惠河。○帝

欲用不忽木為相，不忽木曰：完澤可，向者籍阿合

馬家，其賂遺近臣，皆有簿籍，惟無澤名，澤又嘗言

桑哥為相，必敗國事，今果如其言，是以知其可也。

○時彗星見，帝問銷變之道，不忽木曰：風雨自天

而至，人則棟宇以待之，江河為地之限，人則舟楫

以通之，天地有所不能者，人則為之，此人所以與

完澤

彗竟

封僧人
貶孔子

天地參也。且父母怒，人子不敢疾怨。起敬起孝，故
易曰：君子恐懼修省。詩曰：敬天之怒。聖王克謹天
戒，鮮有不終。因誦漢文帝日食求言詔，帝悚然。○
帝封僧人為帝師，貶孔子為中賢，分江南人為十
等。一官二吏先之者，尊之也。七匠
八娼九儒十丐後之者，卑之也。自寵任桑哥等，
鉤考錢穀，元氣已索。頻年征討，民不聊生矣。

成宗

名鐵木耳，世祖太子真金之第三子也。改元元貞。

蠲租

建寺五臺
山
李元禮

大德在位十三年，壽四十二歲。○帝詔蠲租江浙
省臣言：貧者佃富人之田，歲輸其租。今所蠲特及
田主，其佃民輸租如故。是恩及富室，而不被貧民
也。宜令佃民當輸田主者，亦如所蠲之數。詔可。○
時公田為民害，戶內實無田，而戶皆出租。帝詔凡
官無公田者，給以俸，民力少蘇。○太后建寺五臺
山，將臨幸。御史李元禮疏言：不可者五，騎從經過
蹂山禾稼一也，親勞聖體經冒風日二也，天子舉

動必書簡冊、書而不法、何以垂後、三也、財不天降、皆出于民、勞民傷財、四也、佛以慈悲為教、不須供獻、今太后為民求福、而先勞聖體、使天子曠定省之禮、五也、伏望回轅中道、端處深宮、不祈福而福至矣。○時欲開鐵幡竿渠、郭守敬議須廣七十步、執政吝費、縮其廣三之一、明年大水、渠不能容、漂没人畜、無算、帝謂省臣曰、郭太史真神人也。○御史請禁諸路釀酒。○蘭谿處士金履祥、少學于王

郭守敬

禁釀酒
金履祥

柏何基、得朱熹之傳、居仁山下、學者稱仁山先生。○帝末年寢疾、宮闈預政、宰執擅權、是時妖異疊見。

武宗

名海山、世祖之孫、改元至大、在位五年、壽三十一歲。○帝加孔子為大成至聖文宣王、詔曰、蓋聞先孔子而聖者、非孔子無以明、後孔子而聖者、非孔子無以法、所以儀範百王、師表萬世者也、朕纂承

追封孔子

丕緒敬仰休風循往古之良規舉追封之盛典加
號大成至聖文宣王遣使闕里祀以太牢於乎父
子之親君臣之義永惟聖教之尊天地之大日月
之明奚罄名言之妙尚資神化助我皇元翰林承旨閻復
之辭也○阿沙不花相見帝容日悴乃進曰八珍之
味不知御萬金之身不知愛惟麩糞是好姬嬪是
耽是猶兩斧伐枯樹未有不顛仆者也○處士蕭
料力學三十年不求進有鄉人暮行遇盜詭曰我

阿沙不花

蕭先生也盜驚愕釋去○帝加官者李邦寧大司
徒

仁宗

名愛育黎拔力八達武宗之弟改元皇慶延祐在
位九年○仁宗恭儉仁慈尊賢重士誅戮羣奸權
不下移○郝天挺御史陳七事曰惜名爵抑浮費止
括田久任使禁奸邪獎農務本勵學養士○帝建
崇文閣于國子監以宋儒周敦頤程顥程頤張載

郝天挺

建崇文閣

邵雍司馬光朱熹張栻呂祖謙及許衡從祀孔子
廟庭詔天下行科舉期以八月天下郡縣舉其賢
能充貢有司次年二月會試京師中選者親策于
廷賜以及第出身有差以齊履謙為國子司業立
升齋積分之法○有言賈人售美珠者帝曰我服
御雅不喜飾珠璣生民膏血不可輕耗汝等當廣
進賢才不可以奢靡相導○帝遣宦者李邦寧釋
奠于孔子大風滅燭弗克成禮○帝加宦者續元

連宦者
釋奠孔子

暉昭文館大學士以上二事皆
仁宗之失也

英宗

名碩德八刺仁宗之子改元至治在位三年○帝
將以四時躬享太廟命禮官議禮詔曰追遠報本
之道毋以朕勞于對越而有所損乃備法駕服袞
冕恭詣太廟行禮時庭臣言祀禮畢宜赦帝曰赦
不可屢下也殺人獲罪死者何辜○忽都魯兒學
士
譯進大學衍義帝曰修身治國無踰此書○帝謂

赦不可屢
下
忽都魯兒

拜住

丞相拜住安童孫也曰朕幼冲嗣業錦衣玉食何求不
 得惟我祖宗櫛風沐雨曾有此樂耶卿元勳裔當
 無忝爾祖拜住曰創業維艱守成不易陛下委臣
 以大任臣有三畏畏辱祖宗畏天下事大識見未
 周畏年少不克負荷帝嘗問今亦有唐魏徵之敢
 諫者乎對曰槃圓則水圓孟方則水方有太宗納
 諫之君則有魏徵敢諫之臣帝善之○有獻七寶
 帶者因侍臣以進帝曰朕登大位不聞卿進賢而

鄒七寶帶

張養浩
諫

為人獻帶是以利誘朕也卻之○帝欲以元夕張
 燈張養浩中書諫曰宮掖嚴邃亟宜戒慎帝怒既而
 曰非張希孟養浩字不敢言命罷之賜幣以旌其直
 ○時敕建西山佛寺觀音保御史以東作方輿上書
 極諫帝殺之○帝任法無私果于誅戮於是奸黨
 不自安值帝自上都還駐蹕南坡鐵失等殺拜住
 遂弑帝于行幄

救諫巨觀
音保

鐵失弑帝

泰定帝

名也孫鐵木兒世祖曾孫也改元泰定致和在位
五年○帝初封晉王及英宗遇弒以支庶入繼帝
統帝既立誅逆賊鐵失等以楊朵兒觀音保皆忠
臣為奸逆所戕槩予恩恤○帝受佛法于帝師是
時災異屢見

誅鐵失等

受佛法

明宗

名和世球武宗長子在位八月○初武宗傳位于
弟仁宗約以次傳之和世球仁宗崩奸相鐵木迭

兒固位取寵議立仁宗子英宗乃封和世球為周

王出鎮雲南仍居北部封武宗次子圖帖睦爾為懷王

出鎮海南後徙江陵泰定崩丞相燕帖木兒謀逆迎圖

帖木爾襲位圖帖睦爾詭辭曰大兄在北當有天

下必不得已當明著朕志布告中外以攝位之意

於是遣使迎明宗明宗即位于和寧遣使立圖帖

睦爾為太子明宗次于旺忽察都圖帖睦爾入見

明宗暴崩圖帖睦爾弒之也圖帖睦爾襲位是為文宗

燕帖木兒謀逆

圖帖睦爾弒明宗

文宗

名圖帖睦爾、明宗之弟、改元天歷至順、在位五年、
○帝以西僧輦真吃刺思為帝師、命朝臣郊迎、大
臣俯伏進觴、帝師不為動、惟國子祭酒孛朮魯翀、
舉觴立進曰、帝師釋伽之徒、天下僧人師也、予孔
子之徒、天下儒人師也、請各不為禮、帝師笑而起、
眾為悚然、○帝加封孔子父齊國公叔梁紇為啓
聖王、母顏氏為啓聖王夫人、顏子充國復聖公、曾

孛朮魯翀

范梈

子郟國宗聖公子、思沂國述聖公、孟子郟國亞聖
公、○關中旱、張養浩散家財賑饑、禱兩嶽祠、甘澍
立沛、又采價騰踊、緡鈔壅、不可得米、養浩殫心區
畫、民賴以活、○范梈工詩文、歷官清正、謹身守法、
疏食水飲、泊如也、

寧宗

名懿璘質班、明宗之子、初封郟王、年甫七歲、在位
二月而殂、未改元、

順帝

寧宗

名妥歡帖睦爾、明宗長子、改元元統、至元至正、在位三十六年、初燕帖木兒請于文宗、后不答、失里、議立太子燕帖古思、后不從、命立寧宗、寧宗殂、燕帖木兒復請立燕帖古思、后曰、吾子尚幼、妥歡帖睦爾乃明宗長子、理當立、遂迎立帝、觀之則帝之後帝、削后之號、而置之死地、何耶、帝詔曰、昔武宗升遐、太后惑于儉慝、俾皇考出封雲南、英宗遇害、皇考以武宗之

嫡、逃居沙漠、宗王大臣同心翊戴、於是地近先迎文宗、暫總機務、繼知人倫所在、假讓位之名、以寶璽來上、皇考推誠不疑、即立為皇太子、而乃當躬迓之際、與其臣月魯不花等謀為不軌、使我皇考飲恨上賓、歸而再御宸極、又私圖傳子、降禍于八不沙皇后、謂朕非明宗之子、相傳、帝乃宋恭帝孫之子也、恭帝降元時止六歲、世祖封為瀛國公、後遣學佛法、遂居沙漠、明宗居沙漠時與之善、適瀛國公生子、明宗遂乞為己子、詳見何叔立文集、并聞人余應詩可證、遂俾出居遐陬、帝被讒出居廣

西 上天不佑，隨降殞罰。叔嬪不答失里，怙其勢欲

舍長立幼，奄復不年。諸王大臣，扶朕踐祚，永惟鞠

育罔極之恩，忍忘不共戴天之義。其命太常，撤去

圖帖睦爾在廟之主，不答失里，削太皇太后之號，

徙東安州安置。燕帖古思放諸高麗。○先是燕帖

木兒挾震主之勢，肆行無忌，取泰定后為夫人，女

伯牙吾氏為順帝后，弟撒敦為榮王，撒敦之子唐

其勢反，伯顏相殺之。是時天示奇變，雨血，著衣皆

主 撤文宗之

雨毛

赤雨毛如線，民謠云：天雨線，民起怨，中原地，事必

變。○時議三朝皇后升祔未決，伯顏問：遼魯曾曰：

先朝既以真哥皇后無子，不為立主，今所當立者，

明宗母耶文宗母耶，對曰：真哥皇后在武宗朝，已

膺寶冊，則文明二母皆妾，今以無子之故，不得立

主，而以妾母為正，是為臣而廢其先君之母，為子

而私尊其先父之妾，豈可復蹈慕容垂之失乎？陳

顥素疾魯曾，乃曰：唐太宗冊曹王明母為后，亦二

逢魯曾

后也。奚為不可。魯曾曰：堯母帝嚳庶妃，堯未曾以

配嚳，不法堯舜而法唐太宗耶。伯顏是之，遂以真

哥皇后配武宗。此等處絕大關係，亦見儒術之不疏。○武陟縣禾將

張寬

熟，有蝗自東來，縣尹張寬祝曰：寧殺縣尹，毋傷百

黑鷹啄蝗

姓，俄有黑鷹群飛啄食之。○金履祥著論孟考證

許謙序曰：聖賢之心，盡在四書，四書之義備于朱

子，始余三四讀，自以為瞭然，已而不能無惑，童而

習之，白首不知其要領者何限，其可以易心求之

許謙

哉。○許謙制行甚嚴，應世有道，介而不矯，通而不

隨，身在草萊，心存當世，其教人以五性人倫為本

以開明心術，變化氣質為先，獨不教人以科舉之

吳萊

文曰：此義利之所由分也。○吳萊以著述為務，嘗

云：作文如用兵，兵有正有奇，正者法度也，奇者不

為法度所縛也。○伯顏專權，其從子脫脫憂之，乃

貶伯顏

與帝謀，貶伯顏于南恩州，死于路。○螻螻學士勸帝

務學，一日帝閱宋徽宗畫，稱善，螻螻曰：徽宗多能

修史

惟一事不能。帝問何事。曰：獨不能為君耳。宜其身辱國破也。○帝詔修遼金宋三史。以脫脫歐陽玄、揭傒斯等為總裁官。脫脫嘗問揭傒斯曰：治道何先。曰：儲才為先。養之于譽望未隆之時。用之于周密庶務之後。可也。○揭傒斯請兼行新舊錢。以救鈔法之弊。時不能從。○帝詔令人入粟補官。有匿奸罪而輸粟得七品雜錄者。成遵郎以為賣官。已非令典。况可賣與奸淫之人耶。宜奪其秩。還其粟。

揭傒斯

朱公遷

○朱公遷林翰勸帝親賢遠佞。以回天意。公遷用力于聖賢之道。時黃潛學士最少。許可。特敬愛公遷。○虞集學士學探本原。其經綸之妙。一寓于文集。論海運曰：東南運糧。實竭民力。今京師之東。瀕海數千里。宜築堤捍水為田。富民欲官者。合其眾分以地。以萬夫耕。命為萬夫長。以千夫耕。命為千夫長。三年而征其稅。則可以省海運矣。○棗陽婦人張氏生男。甫周歲。暴長四尺許。先是童謠云：石人一隻。

虞集

石人一隻

眼挑動黃河天下反及開河果得隻眼石人時殺民開

劉福通等作亂

河民思亂○妖人劉福通等作亂以紅巾為號○秦州

張士誠起兵

張士誠起兵據高郵○明太祖起兵者儒陶安獻

明太祖起兵

言曰方今豪傑並起攻城屠邑非有撥亂救民之

陶安

心也明公應天順人天下不足平矣○陳友諒陷

陳友諒陷安慶余闕死之

安慶余闕孤軍不支自經死闕妻及子女皆赴井

死之

死有謂闕許身太疎者其詩云千載結纓悲子路九泉被髮愧夷吾蓋詆其仕元之非也此亦不

樂成人之美已

○關中等處蝗飛蔽天人馬不能行蝗落

劉基果源

溝塹盡平民大飢○明太祖兵克處州有薦劉基

徵海運糧

宋濂者即以書幣徵之創禮賢館處焉○帝遣使

徵海運糧

以御酒龍衣賜張士誠徵海運糧自是士誠每歲

運十萬石至京

運十萬石至京丘濬曰元人歲漕淮米四百萬石今乃哀求反賊譬則富室之城居

者資郭外粟以待斃耳謀人家國者可無遠慮哉

○陳友諒稱帝國號漢張士誠自稱吳王○明太

帝

祖與陳友諒大戰于鄱陽湖友諒敗死其子陳理

張士誠稱王

走據武昌是役也用火攻友諒弟友仁等皆焚死

友諒敗死

難星過

正焚殺間劉基忽大驚曰難星過請急更舟更畢

明太祖建國曰吳

而太祖舟為炮沈矣○明太祖建國號曰吳陳理

降徐達公等勸進太祖即吳王位諭達等曰禮法

日旁有月

立則人志定建國之初此為先務○時日旁有一

星 弘吉刺氏 殂

月一星○皇后弘吉刺氏殂后以禮法自持嘗從

帝時巡上京次中道帝遣內官傳旨欲臨幸后辭

執張士誠

曰夜暮非至尊往來之時帝賢之○明兵執張士

誠以歸○明太祖兵至通州帝集后妃太子議避

順帝北去

兵夜半開建德門出居庸關北去明年駐應昌府

未幾殂明兵襲應昌皇孫買的里八剌及皇妃寶

玉皆被獲太子愛猷識理達臘從數十騎遁去

明傳十五帝共二百七十六年

太祖

布衣起兵

姓朱名元璋句容人以布衣起兵代元都金陵以

土德王建元洪武在位三十一年壽七十一歲○

祝伽藍

初郭子興據濠帝欲入濠城避兵乃祝伽藍曰果

郭子興子
謀害帝

纓字衍

朱升

馬后

容余入濠倡義乞許陰攻帝屢得陰遂往子興奇
之以養女馬氏妻焉帝有安天下之志子興二子
惡其威名陰置毒酒中邀帝飲帝與偕行中途忽
躍起馬上仰天若有所見勒馬不去二子問故帝
曰纓上天說爾以毒酒害我二子股栗而去帝克
滁州立子興為滁陽王子興尋卒帝遂統其軍○
帝召朱升學士問策升曰高築墻廣積糧緩稱王○
馬皇后嘗謂帝曰方今豪傑並爭雖未知天命所

立東宮

求遺書

歸以妾觀之惟以不殺人為本帝嘗謂侍臣曰朕
念皇后起布衣時同甘苦家之良妻猶國之良相
也罷朝因以語馬后馬后曰妾聞夫婦相保易君
臣相保難馬后又嘗謂帝曰法屢更必弊法弊則
姦生民數擾必困民困則亂生○帝立東宮官謂
詹尚書同等曰連抱之木必以授良匠萬金之璧不
以付拙工舉賢任才立國之本也○帝求遺書嘗
曰吾每于宮中無事取孔子之言觀之如節用而

愛人使民以時真治國之良規也○帝命劉基中丞

定律令陶安參知政事等定律令諭之曰立法貴簡當使人易

曉若條緒繁多奸貪之吏得以夤緣為奸非良法

也○帝諭定祀典李善長相等奏有國大祀曰圓

丘方澤宗廟社稷各具沿革以進○時天下府州

論縣官縣官來朝陛辭帝諭之曰天下初定百姓財力俱

困要在安養生息之惟廉者能約己而利人貪者

何真必賤人而厚己當深戒之○元分省左丞何真奉

表歸附真當元末居鄉里率眾保障人爭歸之真

降表至京帝賜詔褒之曰何真保障安民不勞師

旅先期來歸雖漢竇融唐李勣無以過也○帝命

修女誠朱升修女誠謂之曰治天下者修身為本正家為

先后妃雖母儀天下不可使與政事政由內出未

有不為禍本者○帝禁宦官不得典兵預政并制

不許宦官預政內侍讀書內侍不許讀書識字不數傳而王振汪直劉瑾魏

閣寺祖宗之訓其可忽哉○帝建大本堂遣儒臣教授太子諸

建大本堂訓其可忽哉

史田律考卷之一

王帝嘗御文樓太子侍問近與儒臣講何史對曰漢七國事帝問曲直安在對曰曲在七國帝曰此講官一偏之說景帝為太子時以博局殺吳世子及為帝又輕聽鼂錯黜削諸侯七國之變實由于此若為諸子講此則當言藩王當上尊天子毋撓天下公法如此則為太子者知隆親親之恩為諸子者知夾輔王室盡忠臣之義矣○帝更定太廟時享春以清明夏以端午秋以中元冬以長至○

常遇春

帝謂詹同曰古人為文以明道德通世務自今翰林為文毋事浮藻○常遇春公初依大盜劉聚為聚所愛重聚鹵莽無遠志遇春薄之遂歸帝遇春所向輒捷自言能將十萬橫行天下人稱常十萬

元史成

○元史成帝疏張中十事命宋濂作傳中精數學從帝在軍中言未來事無不奇中嘗戴鐵冠人稱鐵冠道人○帝欲以楊憲為相劉基誠意伯與憲素厚以為不可帝怪之基曰宰相者持之如水以義

楊憲

謫危素

理為權衡而已無與焉者也憲有相才無相器帝
 曰無踰先生基曰臣疾惡太深又不耐煩劇○危
 素與黃昇幼同學元末素官學士昇官待制徐達
 大將克燕京素與昇約死于難昇投井死素走報
 恩寺亦投井寺僧挽出之素因不死達乃以素歸
 帝以為學士一日帝坐東閣側室素至履聲橐橐
 徹簾內帝問為誰對曰老臣危素帝曰是爾耶朕
 將謂文天祥來也素惶恐頓首帝曰素元朝老臣

三事未了

桂彥良

何不赴和州看守余闕廟去遂謫素和州逾年素
 卒○帝手書問劉基天象事基上言雪霜之後必
 有陽春宜少濟以寬○帝欲征沙漠謂諸將曰今
 天下一家尚有三事未了一歷代傳國璽在元未
 獲戀戀一二統兵王保保未擒三元太子不聞音
 問○初桂彥良被薦召為正字帝諮以治道對曰
 道在正心○胡惟庸相素恨劉基奏基善相地以
 談洋有王氣欲圖為祖基請加重辟帝不聽但奪

劉基卒 基祿已而基卒基通天文元末舉進士授高密丞

天子氣 未幾投劾去嘗遊西湖見異雲起曰此天子氣也

應在金陵十年後有王者起我當輔之人以為狂

基歸田著郁離子十卷帝定金華基陳時務策帝

嘗曰伯温字基吾子房也正德間賜詔曰劉基學為

豈問人言敬輿之謀不負所學占事考祥明有徵

驗運籌畫策動中機宜渡江策士無雙開國文臣

第一受爵能讓懷辭金蹈海之風成功不居從辟

穀封雷之請可謂明哲允矣清貞特贈爾為太師

謚文 ○王保保卒妻毛子亦自縊死帝嘗謂羣臣

曰王保保真男子也 ○欽天監奏五星紊度於是

下詔求言葉居昇訓上言三事曰分封太侈用刑

太繁求治太速其言分封略曰秦晉燕齊諸國都

城宮室亞于天子臣恐尾大不掉變生不測漢晉

已事可為寒心靖難兵起其言驗矣 ○帝自製皇陵碑文以

儒臣詞多粉飾不足為後世子孫戒也文中叙述

突朝煙而急進暮投古寺以趨踰窮景苦况讀之愴懷 ○帝定致仕官居鄉

禮族內序尊卑其外祖家及妻家亦序尊卑若筵

宴則設別席不許坐于無官者之次如與異姓

王保保真男子

葉居昇

製皇陵碑文

致仕鄉禮

胡惟庸伏誅

致仕官會則序爵爵同則序齒其與異姓無官者相見不須答禮庶民以官禮謁見敢有凌侮者論
如○胡惟庸謀逆誑言所居第井中醴泉湧出邀

置錦衣衛

帝往觀駕出西華門內使雲奇衝蹕道言狀氣方勃舌駛不能達意左左搥挫亂下右臂將折猶指惟庸第帝悟登城望其第刀槩林立即發兵掩捕磔于市株連死者無算宋濂學士之孫宋慎亦坐胡黨誅並械濂至京欲誅之馬皇后救之得發茂州安置○帝置錦衣衛及鎮撫司凡有重囚下衛司

僧道行

李文忠

推勘○帝詔選高僧入侍諸王命道行往燕王府道行姓姚名廣孝祝也髮妙智庵通兵機嘗至京口賦詩曰譙槽年來戰血乾煙花猶自半凋殘五州山近朝雲亂萬歲樓空夜月寒江水有潮通鐵甕野田無路到金壇蕭梁事業今何在北固青青眼倦看其黨宗泐見之曰汝薄南朝矣靖難兵起皆廣孝贊成廣孝嘗侍成祖宴時天寒甚成祖出一對曰天寒地凍水無一點不成冰廣孝應聲曰國亂民公○李文忠帝甥也母早卒愁王不出頭誰作主

文忠嘗牽帝衣而戲帝曰外甥見舅如見娘也從

帝徵討屢建奇功文忠卒子景隆襲封○侍臣有

言善惡之報多爽者帝曰為惡或免于禍然理無

可為之惡為善或未蒙福然理無不可為之善○

蜀王椿帝第十子關西堂講書命僧來復作箴以自

警來復工詩文嘗承召賜食賦詩謝恩詩內有殊

域字帝大怒曰詩用朱字是我為反朱耶遂誅之

疑皆選入者來復誅而廣孝不何也○庶吉士解縉嘗草封事萬言

誅來復

解縉

帝嘉之又召其父至諭之曰才之生甚難而大器

者晚成其以爾子歸益進其學靖難後成祖召縉入附辨事仁宗在

東宮失成祖歡適成祖出虎顧衆彪圖令縉題句縉題曰虎為百獸尊誰敢觸其怒惟有父子情一

步一回顧成祖見而生感○帝大殺京民之怨逆者李善長請

免其親戚數人帝怒賜善長死復命楊靖肅清逆

黨凡殺功臣十九家○帝詔求仙人張三丰三丰

入武當山修煉浩浩自如時稱為張邈邈對人或

終日不語語則皆本忠孝或數月不食一食升斗

賜李善長死
求張三丰

錢唐

彭友信

輒盡○帝以孟子草芥寢譬之說太甚欲去孟子
 配享且命金吾射之錢唐尚書祖胄受箭曰臣得為
 孟軻死帝命醫療其箭瘡孟子配享得不廢○彭
 友信以貢至京遇帝微行占虹霓詩二句云誰把
 青紅線兩條和雲和雨繫天腰命友信續之友信
 應聲曰玉皇昨夜鑿輿出萬里長空駕綵橋明日
 召入朝授北平布政司○學正吳從權等至京帝
 問民間疾苦皆對曰守職在學于民事無知帝曰

鼠吳從權

太子薨立

允炆

藍玉伏誅

置鐸及鼓

胡瑗為教授教以治兵治民等事汝所教何事耶
 其鼠之極邊為學校戒○太子薨立允炆為皇太
 孫以黃子澄修撰侍東宮講讀○蔣瓛指告藍玉公
 謀反磔玉于市坐黨死者二萬人○帝命天下人
 民每鄉里各置木鐸一選年老者每月六次持鐸
 徇于路曰孝順父母尊敬長上和睦鄉里教訓子
 孫各安生理毋作非為又令每村置一鼓遇農種
 時月清晨聞鼓聲皆會田所及時力田○帝停遼

論日月五星

東海運詔議屯田法○帝與羣臣論日月五星之行羣臣皆以蔡氏左旋之說對帝曰天左旋日月五星右旋蓋二十八宿經也附天體而不動日月五星緯乎天者也朕嘗與善推步者于天氣清爽之夜指一宿為主太陰居是宿之西相去丈許盡一夜則太陰漸過而東矣由是觀之則此右旋○初元御史福壽死節帝禮葬之○帝以淮右布衣託身皇覺寺倡大義入濠遂成帝業真天授也

福壽死節

建文帝

乾隆元年追謚建文帝為恭閔惠皇帝

名允炆太祖之孫改元建文靖難兵南下遜位在位四年○帝以齊泰黃子澄參國事以方孝孺直文淵閣○廢周王橚太祖第五子為庶人時有告周王與燕湘代岷四府謀不軌者帝召子澄泰謀之泰欲先削燕子澄曰宜先取周翦燕之手足燕乃可圖也○時熒火守心程濟敬上書言北方兵起期在明年朝議以濟妄言召入將殺之濟曰陛下第

齊泰黃子澄參國事方孝孺

程濟

燕齊告變

囚臣至期無兵殺臣未晚也乃下濟獄○時燕齊皆有告變者帝問子澄曰孰當先討對曰宜亟討燕召泰問曰燕王善用兵討之計將安出對曰但以防邊為名發軍戍開平其燕府護衛精銳悉調出塞去其羽翼無能為矣帝然之○高巍都督府斷事上書曰高皇帝封建諸王為子孫計至遠也夫何地大兵疆易以生亂不削則廢法削之則傷恩臣愚謂勿施鼂錯削奪之策當效主父偃推恩之議

高巍

曾鳳韶

卓敬

小其地大其城以分其力如此則藩王之權不削而自弱臣又願陛下益隆親親之禮賢如河間東平者下詔褒賞不法如淮南濟北者始犯則容再犯則赦三犯而不改則告廟削地而廢處之寧有不順者哉不聽○燕王入覲登陛不拜曾鳳韶御史劾燕王不敬帝弗問卓敬侍郎密奏曰燕王酷類先帝北平者疆幹之地金元所由興也宜徙封南昌以絕禍本帝不聽已而燕王還國○太祖小祥燕

高煦無賴

廢諸王

燕王諫稱
兵靖難

王遣世子高熾及高煦高燧入臨齊泰請留之子
 澄不可世子兄弟皆徐輝祖公甥也輝祖亦請留
 之且言高煦無賴他日必為大患帝竟遣還高煦
 陰入輝祖廐中取其良馬馳去○廢岷王棟執湘
 王柏柏闔室自焚又廢齊王博幽代王桂○命宋
 忠都督率兵三萬選燕府護衛精銳悉隸麾下屯開
 平密勅張曷侍郎謝貴都督圖燕燕靖難兵起矣時曷
 貴圍府第燕王以計擒斬之先是齊泰以張信指

真定大敗

為燕王所信任密勅信執燕王信以告母母曰汝
 父嘗言王氣在燕分不可也信乃具告燕王燕王
 乃誓師去建文三年號仍稱洪武三十二年言欲法周公輔成王上
 書請誅齊泰黃子澄於是帝命耿炳文侯等帥兵
 北征赦程濟出獄充軍師帝諭諸將曰昔蕭繹舉
 兵入京令其下曰一門之內自極兵威不祥之極
 今爾將士與燕王對壘務體此意毋使朕負殺叔
 父之名炳文與燕王戰于真定大敗於是子澄薦

李景隆敗

李景隆代之燕王聞之呼景隆小字曰李九江膏

梁豎子耳趙括今復見矣燕兵攻大寧景隆敗子

澄等匿不以聞○景隆與燕王戰于白溝河平安

指瞿能督都直前搗陣燕王馬三被創瞿能幾及之

會旋風起南軍亂景隆大敗適鐵鉉政參自臨邑還

悉力捍禦事聞擢鉉兵部尚書召景隆還朝以盛

庸督代景隆總兵事○盛庸鐵鉉等與燕王戰于

東昌庸軍圍燕王數重朱能燕指突圍翼王出張

張王沒陣

盛庸

鐵鉉

張王沒陣

東昌庸軍圍燕王數重朱能燕指突圍翼王出張

張王沒陣

盛庸

鐵鉉

張王沒陣

東昌庸軍圍燕王數重朱能燕指突圍翼王出張

夾河大敗

薊城大潰

燕凡三

得風助

燕王

左右欲殺崑

燕王

令護崑歸

時師老餉匱方孝

王燕指沒于陣燕王大慟○盛庸與燕兵戰于夾

河會北風起飛沙漲天庸大敗○燕王又與吳傑

戰于薊城會大風起發屋拔樹南軍大潰白溝夾河薊城

燕凡三得風助○帝謫齊泰黃子澄實使出外募兵諭燕罷兵燕

王乃上息兵書帝遣薛崑少齋報書在燕師燕王

問崑臨行上何言崑曰上言殿下且釋甲謁孝陵

暮即旋師燕王曰噫是不可給三尺兒崑不能對

左右欲殺崑燕王令護崑歸○時師老餉匱方孝

左右欲殺崑燕王令護崑歸○時師老餉匱方孝

左右欲殺崑燕王令護崑歸○時師老餉匱方孝

左右欲殺崑燕王令護崑歸○時師老餉匱方孝

孺言于帝曰燕父子兄弟可間也世子見疑王必
 北歸王歸而我事濟矣帝善之乃作書許王世子
 燕地遣張安戶千如燕世子得書不啟封遣人押安
 俱至王所時黃儼燕宦官素附高煦即馳使告世子
 且反燕王疑之問高煦煦曰世子固善太孫語未
 竟書至燕王啟視歎曰嗟乎幾殺吾子○皇少子
 文圭生靖難後廢為建庶人幽于中都廣安宮入
 禁甫二歲其後英宗念庶人無罪出之鳳
 陽年已五十餘矣○燕兵日南徐輝祖奉命援山
 出禁目不識牛馬

文圭生
 徐輝祖破
 燕兵

東與何福總兵等大破燕兵俄而召輝祖還何福孤
 軍無援卒敗于靈璧○燕王誓師渡江帝召方孝
 孺問計孝孺即班中執李景隆請誅之曰壞陛下
 事者此賊也帝遣諸王如燕師請割地講和燕王
 曰諸弟試謂斯言誠偽諸王曰大兄洞見之矣○
 燕兵薄金川門李景隆開門迎燕王入城徐輝祖
 迎戰敗績帝命發火焚大內皇后馬氏赴火死帝
 欲自裁程濟止之適內官昇一紅篋至曰此太祖

靈璧敗
 執李景隆
 京師陷
 馬后死

所遺劉基雷也。曩受命臨大難則發，於是發篋得

度牒及袈裟剃刀。程濟曰：數也。乃為帝祝髮，從水

關出亡。從亡者楊應能投葉希賢御俱祝髮稱比

丘。程濟稱道人，自神樂觀啟行，往雲南，至西平侯

沐晟家，已而結茅白龍山。時嚴震直尚奉命密訪

忽與帝遇于道中，相對而泣。帝曰：何以處我？對曰：

臣自有處。是夜震直自縊于郵亭中。正統五年，帝

出雲南，語寺僧曰：我建文皇帝也。僧白官府迎至

建文出亡

藩堂南面跌坐，自稱朱允炆。曰：前胡濙給名訪張

邀，邇實為我也。眾悚然問所欲，曰：我願歸骸鄉土

耳。藩司以聞于朝，乘傳至京師，則老僧也。命經侍

太監吳亮審視，一見即曰：吳亮耶？亮曰：非是。曰：我

御便殿食子鵝，遺片肉于地，爾以手據地戲餮之，

豈遽忘乎？亮伏地哭。是夜亮自縊死。於是迎入大

內，號稱老佛。程濟曰：今日方終吾臣職矣。住雲南

焚庵散其徒。後帝以壽終，葬西山。○帝頂顛頗偏。

老佛

半邊月兒

太祖嘗撫之曰半邊月兒知其不克終太祖嘗命
咏新月懿文太子詩曰昨夜嚴陵失釣鉤何人移
上碧雲頭雖然未得團圓相已有清光徧九州帝
詩曰誰將玉指甲拍破碧天痕影落江湖裏蛟龍
不敢吞太祖覽之不悅以俱非吉兆也○燕王清
宮詰問帝所在宮人指后尸應焉命出尸灰燼中
哭之曰小子無知乃至此乎○燕王殺齊泰黃子
澄方孝孺鐵鉉練子寧副都卓敬暴昭尚書高翔御史皆

殺齊泰黃子澄
方孝孺鐵鉉練子寧
等死節

劉璟

連楹

族誅泰子澄妻發教坊司孝孺朋友門生坐死者
八百七十三人鉉被縛至背立廷中令一顧不可
得遂磔之子寧被執語不遜斷其舌燕王曰吾欲
法周公輔成王耳子寧探舌血書地上曰成王安
在卓敬臨刑歎曰變起宗親略無經畫敬死有餘
罪神色凜然○劉璟長史逮繫至京見燕王猶稱殿
下且曰殿下百世後逃不得一箇篡字下獄辮髮自
經死○連楹御史立金川門下數燕王命收之延頸

劉端

梅殷

受刃、白氣冲天、尸僵立不仆。○劉端寺被執不屈、命剗其鼻、燕王笑曰、作如此面目、還成人否、端曰、我猶有面目可見皇祖、遂揮殺之。○梅殷都擁兵、淮南、燕王迫公主、啣指血作書招之、殷還、燕王迎謂曰、駢馬勞苦、殷曰、勞而無功、燕王憾之。○燕王殺景清、時諸臣既死、清獨委蛇侍朝、人皆疑之、至是、緋衣入朝、會司星者奏文曲犯帝坐甚急、燕王乃收之、得所帶利刀、詰之、清毒罵不已、抉其齒、

景清死節

血御衣、燕王命以鐵帚刷其肉至盡

成祖

周忱

名棣、太祖第四子、都北京、改元永樂、在位二十二年、壽六十五歲。○帝命解縉學等選新進士有才識者、就文淵閣肄業、得二十八人、庶吉士周忱、自陳、年少願進學、帝曰、有志之士也、增忱二十九人、命縉領其事。○胡濙奉命搜訪異人、張三丰、垂十年始還、不為三丰也。○安南黎季犛逆命、帝命朱能公

定交趾

張輔侯等討平之，改安南為交趾，定為十七府。○

帝幸東苑觀射，皇太孫連中，帝大喜。時文武羣臣四方朝使畢

集，帝出一對曰：萬方玉帛風雲會。○虞謙御史巡視

發廩賑貸

兩淮奏潁州軍民缺食，請發廩賑貸。皇太孫馳諭

之曰：軍民待哺嗷嗷，卿等尚從容奏請待報，汲黯

何如人也！即發廩賑之，勿緩。○帝命丘福等征本

帝親征

雅失里，福全軍覆沒。帝親征。次元石坡，勒銘曰：維

石勒銘與之悠久，次長清塞，夜南望北斗，至幹難

河，本雅失里戰罷遁去，遂班師。次擒胡山，勒銘曰：

武。○戶部奏報賑給饑民糧數，帝曰：國家儲蓄豐

年則斂，凶年則散。隋饑，文帝不開倉，末年計所積

可供五十年，倉廩雖豐，民心不固。煬帝無道，遂至

滅亡，今後但遇水旱民饑，即行賑給。○阿魯台遣

使來納款，請併女真吐蕃諸部，屬其約束。帝以問

侍臣，侍臣多請許之。黃淮大學士曰：此輩狼子野心，

使各為心，則易制，併為一則難圖矣。此舉實其姦

阿魯台納款

黃淮

周新

謀也帝顧左右曰黃淮如立高岡無遠不見○帝
 殺周新按新以劾奸被殺帝悟其冤問侍臣曰新
 何處人對曰廣東帝歎曰廣東有此好人在殺之
 矣○帝賜陳懋侯時鎮守寧夏書曰邊鎮須有備大抵禦
 寇之道堅壁清野最上計也○漢王高煦不法帝
 欲殺之太子救之徒封高煦安樂州○初燕兵入
 城胡廣解縉等約同死于難既而縉使人伺廣廣
 方呼家人曰外間鬧甚可看猪縉聞而笑曰一猪

一猪尚不
肯捨

徒高煦

解縉文載
耳

尚不肯捨况肯捨性命乎縉與廣嘗同侍文淵閣
 帝曰縉廣少同業仕同官縉業已有子廣宜妻之
 以女廣曰臣妻有娠未卜男女帝曰定生女無疑
 矣後果生女遂訂縉子貞亮既而縉遇讒死舉家
 戍邊廣欲使女改適女竊入室以刀截耳乃曰薄
 命之婚皇上主之父面承之一與之盟終身不改
 其後頑亮蒙宥女卒歸解氏○帝北征途次不豫
 下令將士嚴部伍謹哨瞭遂崩

北征遂崩

仁宗

名高熾成祖子改元洪熙在位一年壽四十八歲

○帝賜蹇義少傅等銀圖書各一其文曰繩愆糾繆

黃福

凡政有闕失即用此印密奏○初黃福尚書治交趾

狗民所好祛民所惡至是召還交人號泣○帝寬

黨籍之禁謂侍臣曰方孝孺輩皆忠臣也宜從寬

楊士奇

典○帝閱廷臣誥命謂楊士奇少保等曰朕行有未

善卿等當盡言因取誥命增二語云勿謂崇高而

李時勉

難人勿以有所從違而或怠○李時勉侍讀條陳時

政帝怒命武士以金瓜擊之脇肋已斷其三已而

斷骨忽自接竟愈○帝聞淮徐民乏食召楊士奇

草詔免稅糧之半士奇曰可令戶部工部與聞帝

曰有司慮國用不足必持不決之論其即書詔帝

覽畢命用璽遣使齎行左右言地方千餘里其間

恤民寧過厚

未必盡無收宜有分別帝曰恤民寧過厚○蹇義

等奏事承天門畢帝日夜來星象變曾見否對曰

未見帝曰士奇當知之士奇曰不知帝曰天命也
歎息而起遂不豫已而召太子于南京時雷南乃
崩

宣宗

名瞻基仁宗子改元宣德在位十年壽三十七歲

夏原吉
楊榮

○帝御文華殿寒義夏原吉尚書楊士奇楊榮少傅

帝曰交趾用兵生靈荼毒今欲仍使自爲一國歲
奉常貢如何義原吉對曰文皇帝二十年勤勞不

冊封陳嵩

可棄也士奇榮曰交趾自漢唐以來雖嘗爲郡縣
叛服不常喪師費財不可殫述漢元帝罷珠崖前
史稱之帝曰朕素志如此本不係用兵之如何也
既而冊封陳嵩爲安南國王○帝諭夏原吉曰近

陶鎔

年有司不體人情苟有饑荒必須申報展轉勘實
賑濟失時民多饑死河南新安縣知縣陶鎔先給

高煦反

後聞能稱任使毋拘文法責其專擅○漢王高煦
反帝親征以書諭之曰張敖失國本之貫高淮南

受誅成于伍被王若能悔過即擒倡謀者來獻高
 煦不答已而官軍執高煦以獻遂廢為庶人繫大
 內道遙城一日帝往觀高煦出不意伸一足勾帝
 仆地帝大怒命舁銅缸覆之高煦有力負缸起乃
 積炭缸上燃火銅鎔而死○交趾黎利圍鎮城藩
 師使何忠州知懷奏請王師忠夜出城遇害○帝命
 山雲都督鎮守廣西雲最廉廣西帥府老隸鄭牢性
 鯁直雲問之曰世謂將不忌貪我亦可貪否牢曰

何忠
山雲

如新潔白袍
 公初到如一新潔白袍一沾汙點墨終不可湔洗
 也雲又曰人言土夷饋送苟不納彼必疑且忿奈
 何牢曰居官黷貨則朝廷有重法乃不畏朝廷反
 畏蠻子耶雲笑而頷之太祖開國初用皂隸葉春
 黃興宗後有天下以其人
 皆不貪除春參政除興宗知府○林頌浙江按察被裴可力中官時督
 事浙江
 誣奏帝命逮頌至親問之令頌復任勅責可力中
 外頌感德○帝廢胡后胡后無過帝亦悔之○夏
 原吉嘗夜閱文卷撫几太息其夫人問之原吉曰

林頌
廢胡后
夏原吉

此歲終大辟奏也。吾筆一下，死生決矣。原吉天性和平，嘗有從隸，污所服織金賜衣，隸懼欲逃。原吉曰：「污可浣也，何懼焉？」有吏壞所寶古硯，匿不敢見。原吉召吏諭曰：「物皆有壞也，慰遣之。」當時卿大夫雅量推原吉第一。○况鍾為蘇州知府，剔弊除奸，蘇人呼為况青天。○帝令北直地方民間新墾田，永不起科。○帝下詔求賢，出御製擬荷蘭操及四言招隱詩賜諸臣。○黃淮辭歸，帝餞之西苑，大液

雅量推第

况青天

求賢


餞黃淮


陳瑄 池親灑宸翰製詩送之。○陳瑄伯開漕渠罷海運。周忱 巡撫奏定濟農倉之法，耕種之時，貧民每戶給米二石，秋成照數還官。遇水旱，合各郡大發濟農倉米賑貸。

186
2
39

十八史略後編卷之一

頭
十八史略後編卷之一終





003148-001-5

186-39

十八史略後編（頭書）

曠 敏本/著

M9

ACC-1238

